



TE WHARE WĀNANGA O TE ŪPOKO O TE IKA A MĀUI



VICTORIA
UNIVERSITY OF WELLINGTON

Te Kawa a Māui

MAOR 221

Tū Tū Te Wana Māori Language 2B

Trimester 2, 2010 dates
Lectures begin Monday, 12 July
Lectures end Friday, 15 October
Mid-trimester break 23 August-5 September
Study week 18-22 October
Assessment/examination period 22 October-13 November

“He puapua tō te whāinga: he taki hiku tō te haere”

Nau mai, piki mai ki tēnei akoranga e kīa nei ko Tū, Tū te Wana. Īna ko te mahi nui tonu – he aronui atu ki te ikeiketanga, me te hōhonutanga o te reo. Kia kua noa iho e kapua taitū te āhua, engari kia waewae kaikapua kē te āhua. Nei noa ko te mihi atu mō ō koutou pūmanawa i puta ai koutou ki tēnei taumata o te reo otirā, kāore noa iho i tuku mā te hiku o te haere tā koutou haere i taki. Heoi ko tā koutou ināiane, he mau mai i ō koutou nā ake puapua, i ō koutou nā ake ipu taramea kia rongohia ai e te katoa te kakara o te reo Māori.

1 TE KAIWHAKAAKO

Ko te Pūkenga

Teurikore Biddle
Rūma 202, 48 Kelburn Parade
Wāea: 04 463 6733
Īmēra: teurikore.biddle@vuw.ac.nz

Te Hāora Wātea

11:00am-12:00pm

Ki te hiahia koutou ki te whakapā mai ki ahau, me tuku Īmēra mai ki ahau ā mua i tō haere mai.

Ko te Kaitūruki

Patariki Hape

Ngā Hāora Wātea

TBC

Kei te papapānui i 48 Kelburn Parade, 50 Kelburn Parade me te Papapango (Blackboard) e whata ana ētahi atu kōrero e pā ana ki ngā mahi me ētahi atu kaupapa ka ara ake mō Tū Te Wana Wana.

2 KO NGĀ WHAINGA ME NGĀ HUA

Ko Ngā Whāinga

Heoi, ko te kaupapa matua tonu o tēnei akomanga, he whakapakari i te taha kōrero, whakarongo, pānui me te tuhituhi hoki e eke ai ki te taumata tau tuarua o Te Whare Wānanga o te Ūpoko o te Ika.

He akoranga reo Māori anō tēnei nō reira me pou i tō pou rāhui kia kore ai te reo o wētahi e uru poka noa mai ana ki roto i tēnei o nga akomanga.

E tutuki rawa ake ai i a koutou ngā mahi nei ka taea e koutou te:

- whakapūaki whakaaro-ā-waha e hāngai ana ki ngā kaupapa ka kōrerohia i roto i ngā akomanga e eke ai ki te taumata tau tuarua
- whakapūaki whakaaro-ā-tuhi e hāngai ana ki ngā kaupapa ka kōrerohia i roto i ngā akomanga e eke ai ki te taumata tau tuarua
- whakarongo ki ngā tohutohu me ngā kaupapa kōrero ka puta ake i roto i ngā akomanga
- pānui, te whakamārama hoki i ngā kōrero kua kohia e te Kaiako mā koutou
- whakarāpōpoto i ētahi kaupapa nā koutou tonu i rangahau, kua ara ake rānei ki roto i ngā akomanga

- whakahoki pātai i runga anō i tā koutou i rangahau ai, i ngā kōrero rānei kua puta ki roto i ngā akomanga
- te whai i ngā tikanga tuhituhi o Te Whare Wānanga o te Ūpoko o te Ika.

3 KO NGĀ PUKAPUKA

3.1 Ko ngā Pukapuka Matua

Mead, H., & Grove, N., 1989-96. *Ngā Pepeha a Ngā Tupuna Vol 1-4*. Wellington: School of Māori Studies, Victoria University.

Moorfield, J.C., 1992. *Te Māhuri*. Hamilton, New Zealand: University of Waikato.

Ngata, H.M. 1993. *English-Māori Dictionary*. Wellington: Te Pou Taki Kōrero.

Williams, H.W., 1971. *A Dictionary of the Māori Language*. Wellington: Government Print.

Te Taura Whiri i te Reo Māori, 1999. *He Kohinga Kīwaha*.

Te Taura Whiri i te Reo Māori, 1995. *Te Matatiki*. Government Printer.

Te Taura Whiri i te Reo Māori, 2008. *Te Pātaka Kupu*.

Hokona te pukapuka e kiia nei ko te *Te Kawa a Māui Academic Writing Guide, 2007 Edition* i te Student Notes Distribution Centre. Kua tāpiri hoki ngā kōrero o tēnei pukapuka ki te Papapango o MAOR 221.

3.2 He Pukapuka Taunaki

Bauer, W., 1981. *Aspects of the Grammar of Māori*. University of Edinburgh.

Bauer, W., 1993. *Māori*. London, Routledge.

Bauer, W., 1997. *The Reed Reference Grammar of Māori*. Auckland, Reed Publishers Ltd.

Benseman, J., 1992. *Whare Wānanga*. Research and Statistics Division, Ministry of Education.

Benton, N., 1999. *Revitalizing the Māori Language*. Ngaruawahia, Alta Vista Pacifica Tapui.

Benton, R., 1979. *Who speaks Māori in New Zealand*. New Zealand Council for Educational Research, Wellington.

Best, E., 1972. Tūhoe: *The Children of the Mist*. Wellington, Published for the Polynesian Society by A.H and A.W Reed.

Biggs, B., Hohepa, P., Mead, & H., *Selected Readings in Māori*.

Brougham, A. E. and Reed, A. W., 1987. *Māori Proverbs*. Revised T. S. Karetu. Auckland, Reed Methuen Publishers Ltd.

Carkeek, W., 2004. *The Kapiti Coast: Māori tribal history and place names of the Paekakariki-Otaki district*. Auckland, Reed Publishing Ltd.

Curnow, J., 1995. *Ngā Pou Arahi*. Auckland Institute and Museum.

Dacker, B., 1994. *Te Mamae Aroha: A history of Kaitahu Whānui in Otago*. Dunedin, University of Otago Press in association with Dunedin City Council.

- Grace, J., 2005. *Tuwharetoa: The history of the Māori people of the Taupo District*. Auckland, Reed Publishing Ltd.
- Kohere, R.T., 1951. *He Konae Aronui. Maori Proverbs and Sayings*. Wellington: A.H. and A. W. Reed.
- McEwen, J.M., 1990. *Rangitane: A Tribal History*. Auckland, Heinemann Reed Publishing.
- Mikaere, P., 1998. *Te Maiharoa and the Promised Land*. Auckland, Reed Publishing Ltd.
- Mitchell, J.H., 1990. *Takitimu*. Gisborne, Te Rau Press.
- Moorfield, J.C., 1992. *Te Pihinga*. Hamilton, New Zealand: University of Waikato.
- Ngata, Apirana, 1959-1970. *Ngā Moteatea: He maramara rere nō ngā waka maha. The songs: Scattered pieces from many areas*. Wellington: New Zealand Polynesian Society. Part 1 to 4.
- O'Regan, H.M., 2001. *Ko Tahu, Ko Au: Kai Tahu Tribal Identity*. Christchurch, Horomaka Publishing.
- Phillipps, W.J., 1948. *Carved houses of Te Arawa*. Wellington, Dominion Museum.
- Riley, M., 1990. *Māori Sayings and Proverbs*. Paraparaumu: Viking Sevenses.
- Royal, T.C., 1992. *Te Haurapa: An Introduction to researching tribal history*. Wellington, Bridget Williams Books.
- Royal, T.C., 2003. *Native Traditions by Hūkiki Te Ahu Karamu o Otaki*. Otaki, Te Wānanga o Raukawa.
- Simmons, D.R., 2006. *Meeting-houses of Ngāti Porou o Te Tai Rāwhiti*. Auckland, Reed Publishing Ltd.
- Sissons, J., 1991. *Te Waimana: The Spring of Mana*. Dunedin, University of Otago Press.
- Stafford, D.M., 2005. *Te Arawa: A history of the Arawa people*. Auckland, Reed Publishing Ltd.
- Stokes, E., 1993. *Te Raupatu o Tauranga Moana*. University of Waikato, Hamilton.
- Turoa, T., 2000. *Te Takoto o te Whenua o Hauraki*. Auckland, Reed Publishing Ltd.
- Walker, P., 2006. *Te Tū a Te Toka: He ĩeretanga nō ngā Tai e Whā*. Toi Māori Aotearoa, Tōtika Publications, Wellington.
- Walker, R., 2007. *Opotiki-Mai-Tawhiti: Capital of Whakatohea*. Auckland, Penguin Books.
- Wellington City Council., 1995. *Ngā Waahi Taonga o Te Whanga nui a Tara: Māori Sites and Inventory*. Wellington City Council.

3.3 Ngā Hōtaka Reo Māori

E rua ngā teihana Māori o Whakaata Māori ināiane. Nō reira, he nui rawa ngā hōtaka kei roto i te reo Māori. Mātakitakihia ngā hōtaka pēnei i Marae, Te Wakahuia, Kupu Huna, Te Tepū, Kōrero Mai, Te Kaea, ara noa atu, ara noa atu. Kia kaha koutou ki te tautoko i tēnei piuaki o tātou.

3.4 Ngā Wāhi Ipurangi

Ko te painga atu o tēnei rauemi, ara, ko te rorohiko, ka taea e te tangata te whakapā atu ki ngā wāhi katoa o te ao mārama nei. Waihoki ka kaha kitea ināianei te maha o ngā kaupapa Māori, kōrero hoki kua tāngia ki ngā wāhi katoa o te ipurangi pēnei i Te Taura Whiri i te Reo a wai atu, a wai atu. Heoi, kia tūpatou koutou, whakamātauhia te painga, te koretake rānei o ngā kōrero ā mua i tō whakapono atu akene he rite tōna hanga ki te wharehukahuka a Tangaroa, he nui ngā whāwhārua.

4 KO NGĀ AKOMANGA

4.1 Ko Ngā Akoranga

Hei ngā Rātū me ngā Rāpare ngā wā ako, mai i te tahi karaka o ngā haora ki te toru karaka i te ahiahi.

Rātū	9:00-10:50am	AM 104 (Alan Macdiarmid Building)
------	--------------	-----------------------------------

Rāpare	9:00-10:50am	Wharenuī, Te Herenga Waka Marae
--------	--------------	---------------------------------

4.2 Ko Ngā Akomanga Whāiti

Me mātua tae mai ki te 7 o te 10 o ngā akoranga whāiti. Mā te kaiako anō ngā whakahau kōrero mō ngā rā me ngā hāora. Ka tīmata ngā akomanga nei hei te wiki tuarua o tēnei wāhanga. Anei ngā wā tū ai ngā akomanga whāiti:

Rātū	3:10-5:00pm	VZ003
------	-------------	-------

4.3 Ko te Nui o Ngā Mahi

Kei te taumata tau tuarua tēnei akoranga, nā reira e tika ana kia pau i a koe te tekau mā toru hāora (13 hours) ki āna mahi ia wiki. Ka tāpiri atu hoki ngā haora akoranga whānuī, whāiti hoki.

MAOR 221	Kia eke ki te 13 hāora ia wiki (ngā akomanga whānuī, whāiti hoki)
----------	---

5 KO NGĀ AROMATAWAI

Me tuku atu ngā aromatawai katoa o MAOR 221 ki te pouaka aromatawai i 50 Kelburn Parade ki runga Papapango rānei, tirohia ngā whakamārama kei raro iho nei. Kaua e tukua ki te Pūkenga, ki tōna rūma rānei. Ko te wāhi tika, ko te pouaka aromatawai, ko Papapango rānei!

Ngā Mahi	Rā Tuku	Ki Hea	Ōrau
Te Hanga Rauemi	Wiki 2 Te wā tū ai tō akomanga whāiti	Akomanga Whāiti Rātū, 3:00-5:00pm	10%
Te wiki o te reo Māori	Wiki 3 29 Hōngongoi	Ki Te Whare o Ngā Taurira (SUB)	15%
Kōrero Tene (2)	Wiki 5, Wiki 7 hoki Te wā tū ai tō akomanga whāiti	Akomanga Whāiti Rātū, 3:00-5:00pm	10%
Whakamātautau Whāiti (1)	Wiki 6 19 Hereturikōkā	Akomanga Whānui	15%
Kauhau	Wiki 8 14 ki te 16 Mahuru	Tāngia ngā kōrero nei ki runga Papapango kātahi ka tū ki roto i te Akomanga Whānui	15%
Whakamātautau Whāiti (2)	Wiki 12 15 Whiringa ā nuku 2010	Akomanga Whānui	15%
Tuhingaroa	Wiki 12 15 Whiringa ā nuku 2010	Tāngia ngā mahi katoa mō tēnei aromatawai ki runga Papapango	20%
Noho Marae	7-8 Whiringa ā nuku 2010	Ako Pai Marae	Mandatory Requirement
Huihuinga-ā-ipurangi (Video Conference)		RB105, Video Conference Suite, Library	Mandatory Requirement
Tōpū	-	-	100%

Further explanations for assessments:

5.1 Te Hanga Rauemi 10%

Ko te tikanga o tēnei mahi he hanga i tētahi rauemi pai rawa atu mā ngā tamariki kei te ako i te reo Māori ki roto i ngā kura. Mauria mai tēnei aromatawai ki te akomanga whāiti tuatahi. Ka tū mai ia taurira ki te whakamārama, ki te kōrero mō tāna rauemi. Inā eke āu mahi ki te taumata e tika ana, akene pea ka whakaatuhia, ka whakamahia ki roto i ngā kura hei rauemi whakaako i ngā tamariki i te wiki o te reo Māori. Mauria mai tō hanga rauemi ki te akomanga whāiti, tāngia hoki tētahi whakarāpopoto, he whakamahuki e pā ana ki tō rauemi i mua i te wā tū ai te akomanga whāiti.

5.2 Tūmahi – Te Wiki o Te Reo Māori 15%

Ia tau ka tū tēnei kaupapa e kīa nei ko te wiki o te reo Māori. Hei te 27 o Hōngongoi ki te 2 o Hereturikōkā 2010 te wiki o te reo Māori. Nā reira, ko tā koutou mahi, tō koutou whakaaro ki tēnei kaupapa, he whakaako i ngā taurira o MAOR 102. E rua ngā wāhanga o tēnei mahi:

Wāhanga Tuatahi

Ko te mahi tuatahi māu, he whakarite mahere ako. Ka haramai a Karena, te Pūkenga o MAOR 102 ki te kōrero ki a koutou hei te wiki tuatahi, ki te whakamōhio atu he aha te taumata e tika ana mō ngā tauira nei. Ka whakaroopuhia koutou e te kaiako. Ka mahi ngātahi koutou ki te hanga i tētahi mahere ako. Ko te kaupapa mō te wiki o te reo Māori ko te kai. Nā reira whakaarohia tēnei kaupapa hei te wā ka whakarite koe i tō mahere ako. Whakarārangi haere ngā mahi, te roanga o ia mahi, ngā rauemi. Toru tekau meneti noa iho te roanga o ia akomanga. Whakaritea he wāhanga ka whakahaerehia e ia tangata kei roto i tō roopu. Inā tokoono koutou kei roto i tō rōpū whakaritea he mahi mā te katoa. Tohua tētahi o ngā tāngata kei roto i tō roopu hei tuku i te mahere ako mō tō roopu. Tukuna atu tō mahere ako ki runga Papapango hei te Wiki 2, **Rāpare, 22 Hōngongoi 2010**. Ka tukuna he 5% o te 15% mō tēnei wāhanga o te mahi.

Wāhanga Tuarua

Ka tū tētahi akomanga reo Māori mai te Rāhina ki te Rāmere. Ka whiriwhiria tētahi o aua rā mā ia roopu ki te whakaako. Ka tū koutou ki mua i te aroaro o ngā tauira ka whakaako ai i a rātou i te reo Māori, he whakaako rānei i ētahi kōrero e pā ana ki te reo, ki ngā āhuetanga rānei o te ao Māori. Whaia ko te mahere ako kua whakaaehia e te pūkenga, kua rawa e kotiti atu i tēnei mahere. Hei te katoa o te wiki tuatoru tū ai tēnei aromatawai. Ka tukuna he 10% o te 15% mō tēnei wāhanga o te mahi.

5.3 Kōrero Tene 10% (5% mō ia mahi)

Ka whakahaeretia ēnei kaupapa ki roto i ngā akomanga whāiti ka tū hei te Wiki 5 me te Wiki 7. E 6 meneti te roa, e 2 meneti mō ngā pātai. Kāore e taea e te tauira te pupuri pepa, kāri āwhina (cue cards) rānei. Ia wā tū ai tētahi ki te kōrero ka tohua e te kaiako kia tokorua, tokotoru rānei o te akomanga whāiti ki te hanga patapātai mā te kaikōrero.

Mā te kaitūruki e whakarite ngā kaupapa mō te whakamātautau kōreo tene. He ohore te hoatu o ngā kaupapa ki a koutou, kia tūtakarerewā ai koutou ki te kōrero i ngā wā katoa.

5.4 Ngā Whakamātautau Whāiti 30% (15% mō ia mahi)

Ka whakahaeretia ki roto i te akomanga whānui hei ngā Wiki 6, 12 hoki. He hāora me te hāwhe te roanga o ia whakamātautau whāiti. He 15% ōrau mō ia whakamātautau. Akene pea he mahi whakarongo, he mahi pānui, he whakautu pātai, he tātari tuhinga kōrero, he mahi whakatikatika, he tuhinga iti kei roto i te whakamātautau. Ko te tāhuhu o ngā kōrero kei ngā whakamātautau nei kua ahu mai i ngā kaupapa whakaako kei roto i ngā akomanga whānui, whāiti hoki. Hei whakarite i a koutou ka whakatūhia e te kaiako he akomanga, e kiia rā, he hokinga whakamuri i te wā tū ai ngā akomanga whānui.

5.5 Kauhau 15%

Ka whakahaeretia tēnei kaupapa i roto i ngā akomanga whānui e rua ka tū i te Wiki 8 me te noho marae. Tekau mā rua meneti te roa, e 2 meneti mō ngā pātai. Kāore e āhei te tauira te pupuri kāri āwhina (cue cards).

E rima meneti ki a koe ki te whakarite o kōrero ā mua i tōu tū. Ka hamenehia ki te heke iho i te tekau meneti te roanga o tō tū, ā, ka tango he 2% mai i te kaute tōpū. I te wāhanga tuatahi o tēnei tau i whiriwhiria e koutou i ngā tūmomo rerenga kōrero, ā, i tukuna atu ngā whakamārama o aua kōrero rā, ka toru i whakaatu mai ētahi taurira rerenga kōrero mō aua kīwaha, whakataukī, rerenga kōrero rā.

Ko tā koutou mahi ināianei he hoki anō ki ērā kōrero me te kimi i ētahi taurira anō e whakaatu mai ai i pēhea, me pēhea rānei te whakamahi i aua rerenga kōrero, kīwaha, whakataukī, whakataukāki. Akene pea kua kōrerotia ēra kōrero ki runga whakaata, whakaari Māori, kua rongo rānei ki runga reo irirangi, kua tuhia kētia ki rō pukapuka, ki tētahi pukapuka maheni, ki runga ipurangi. Kohia ngā momo taurira katoa. Me wetewete me tātari te akonga i ngā kōrero ka kohia e ia.

Tāngia tō whakaaturanga ki runga Papapango ā mua i te rā tū ai tēnei aromatawai ki roto i te akomanga whānui.

Ki te kore e whai wāhi koe ki te oti i tēnei mahi i roto i te akomanga whānui ka mahia ki te noho marae ki roto i ngā akomanga whāiti rānei. Inā he pātai, he āwangawanga rānei, whakaritea he wā pai ki te kōrero tahi me te Pūkenga. Ka whakaatūhia he taurira mō tēnei aromatawai, ā, ka tukuna hoki te roanga o ngā whakamārama ki roto i ngā akomanga whānui, whāiti hoki.

5.6 Tuhingaroa

20%

Kotahi anake te tuhingaroa. Ko tōna nui kia kua e iti iho i te 2000 kupu, kia kua hoki e nui ake i te 2200 kupu. Me ū mai hei te 15 Whiringa ā nuku 2010. Me rangahau, me wetewete hoki te akonga i ngā momo kōrero e pā ana ki tētahi o ēnei kaupapa e whai ake nei, hoki atu ki ngā kōrero i rangahaua e koutou i te wāhanga tuatahi o te tau. Anei ngā kaupapa mo te tuhingaroa:

- tētahi pou o tō whare whakairō/wharenuui/wharepuni
- te reo ā iwi o tētahi iwi anake
- he rautaki hei whakapiki i te tokomaha o ngā tāne, wāhine rānei e ako ana i te reo
- tātarihia ngā tuhinga reo Māori, kōrero rānei e toru o tētahi o ēnei tāngata rongonui o te ao Māori: Timoti Karetu, Miria Simpson, Hoani Rangihau, Ngoi Pewhairangi, Tā Ropata Mahuta, Hone Tuwhare, Katerina Mataira, Huirangi Waikerepuru.

Anei anō ētahi mahi me whakaoti ā mua i te tuku mai i tō tuhingaroa:

- annotated bibliography (5%): Tāngia ki runga Papapango hei te Rātū, Wiki 9
- full draft: Tāngia ki runga Papapango hei te Rātū, Wiki 11
- peer-review (5%): Tāngia ki runga Papapango hei te Rātū, Wiki 12.

Tukuna mai te tuhingaroa i te rā kua whakaritea, arā, **15 Whiringa ā nuku 2010**. Tāngia ki runga Papapango i mua i te rima karaka. He 10% te ōrau mō tēnei wāhanga o te aromatawai.

Kia pai te whakatakoto i āu kōrero, tohungia ngā kaituhi, tāpirihia he rārangi kupu hou me ngā whakapuakanga. Kia kauā e iti iho i te rima ngā momo whakapuakanga ka whakamahia e koe mō tō tuhingaroa. Kia hāngai tonu ki ngā ture a Te Kawa a Māui 2007 mō te whakatakoto tuhituhi.

5.7 Noho Marae

Mandatory Course Requirement

Ako Pai Marae, Rāpare (5:00pm), 7 Whiringa-ā-nuku 2010 ki te Rāmere (8:00am), 8 Whiringa-ā-nuku 2010. Ko te kaupapa o tō tatou noho ko ngā mahi waiata o nehe, onāiane hoki. Kei te haramai ngā tauira o MAOR 318 hoki ki tēnei noho marae. He \$15.00 taara te koha mō te noho marae. Tukuna tō koha ki ngā kaimahi o te tari ki 50KP. Ki te kore koe e tae atu ki te noho marae he tuhingaroa te mahi. Kia 2000 ngā kupu, ko te kaupapa ko tētahi waiata tawhito. Tukuna mai tēnei i te rā tū ai te Noho Marae ki te tari Māori (Pouaka Aromatawai) i mua i te 5 karaka.

6 KO NGĀ WHIU

Inā, i oti i a koe tō mahi, ā, i tukuna hoki i te wā e tika ana engari kāore i eke rawa tō māka ki te rima tekau paiheneti ka āhei koe ki te tuku tuarua atu i tō aromatawai ki te kaiako. Heoi, ki te tuarua tō tuku mai i tētahi aromatawai e kore e eke i te rima tekau paiheneti te kaute tōpū mō taua aromatawai. Me kōrero ki te Pūkenga, māna anake e whakarite he wā e taea ai te whakaoti tika i āu mahi.

Ki te kore e tutuki i a koe ngā whakaritenga mō ia aromatawai, kāore koe e hipa i tēnei karaihe. Me ū mai te katoa o ngā mahi i te rā kua whakaritea. Ka tangohia 5% mō ia rā ki te tōmuri. Me kōrero ki te Pūkenga, māna anake e whakarite he wā e taea ai te whakaoti tika i āu mahi. Kaua e haere i te ara a taihoa, ka tae ki aua atu!

7 NGĀ MAHI ME TŪTUKI

E puta ai koe i tēnei pepa me:

- tae mai koe ki te 20 o te 24 o ngā akomanga whānui
- tae mai koe ki te 7 o te 10 o ngā akomanga whāiti
- oti i ngā mahi aromatawai katoa
- tae atu ki ngā huihuinga-ā-ipurangi katoa
- tae ā tinana mai ki te noho marae/he oti i tētahi mahi taurite rānei kia tūtuki pai ai i a koe tēnei mahi.

8 TE KAUPAPA TUĀKANA/TEINA

Mēnā ka hiahia āwhina koutou ki te ako i te reo, he hoa kōrero rānei māu, kei konei te kaupapa Tuakana/Teina. Mo te roanga o ngā whakamārama e pā ana ki tēnei kaupapa kōrero atu ki a Damon Sturmei te kaitakawaenga mō tēnei kaupapa:

Melissa Dunlop
Kei: 14 Kelburn Parade
Wāea: 463 6015
Īmēra: melissa.dunlop@vuw.ac.nz

9 MO TE HUNGA HAUĀ

He ture tā te Whare Wānanga e pā ana ki ngā tāngata hauā. He ture mō ngā whakamātautau me ērā atu o ngā aromatawai. Me kōrero ki te Pūkenga mēnā ka whaihua tēnei ki a koe.

10 KO TE MAHERE MAHI

Wiki	Te rā o ia kauhau	Te kaupapa o te rā	He kōrero anō
1	13 Hōngongoi	L1 Mihi He whakamārama	Ka tū koutou katoa ki te tuku mihi Ngā ture o te akomanga Te āhuatanga ki ngā mahi whakaako, ako hoki Whakapākehahia te mihimihi kua tuhia ki roto i te mahere ako
	15 Hōngongoi	L2 Passive sentence patterns A category Te reo whakaniko, whakaniwha	Mau mai ā koutou tauira rerenga kōrero Kei te haramai a Karena Kelly – Pūkenga MAOR 102
2	20 Hōngongoi	L3 Te Reo o Kaitahu Te reo ōkawa, te reo ōpaki, te reo ōkarakia, te reo ōao ki roto i ngā mahi whakaako tamariki	Ka tīmata ngā akomanga whāiti i tēnei wiki: he whakarite i ngā mahi mō Te Wiki o Te Reo Tukuna tō mahere ako ki 50 Kelburn Parade hei te 22 o Hōngongoi i mua i te 5:00pm
	22 Hōngongoi	L4 Saying something happens continually 'I – Tuatahi 'Ki – Tuatahi	Mau mai ā koutou tauira rerenga kōrero
3	27 Hōngongoi	L5 Te wiki o te reo Māori	Whakarite i ngā mahi katoa mō te wiki o te reo Māori
	29 Hōngongoi	L6 Te wiki o te reo Māori	
4	3 Hereturikōkā	L7 Te Reo o Te Tai Tokerau: Rahera Shortland	
	5 Hereturikōkā	L8 Talking about an action which is done while moving 'I – Tuarua 'Ki – Tuarua	Mau mai ā koutou tauira rerenga kōrero
5	10 Hereturikōkā	L9 Kāore he karaehe i tēnei rangi ka tū tēnei akomanga whāiti hei te 24 o Hereturikōkā	Mau mai ā koutou tauira rerenga kōrero Ka tū te aromatawai kōrero tene (1) i tēnei wiki

Wiki	Te rā o ia kauhau	Te kaupapa o te rā	He kōrero anō
	12 Hereturikōkā	L10 The use of <i>riro</i> , <i>taea</i> , <i>āhei</i>	
6	17 Hereturikōkā	L11 He Hokinga Whakamuri	
	19 Hereturikōkā	L12 Whakamātautau whāiti (1)	Te Reo o Ngāti Porou – Matoroa Haenga, 24 Hereturikōkā 2010
NGĀ RĀ WHAKATAA: 23 Hereturikōkā ki te 5 Mahuru 2010			
Video Conference: Te Reo o Ngāti Porou – Matoroa Haenga, 24 Hereturikōkā 2010			
7	7 Mahuru	L13 Te Tito Waiata O – category Te reo whakaniko, whakaniwha	Ka tū te aromatawai kōrero tene (2) i tēnei wiki
	9 Mahuru	L14 Using <i>ā</i> to indicate the manner or means by which something is done and me 'I' – Tuatoru 'Ki – Tuatoru	Mau mai ā koutou taurira rerenga kōrero
8	14 Mahuru	L15 Kauhau	Tāngia tō whakaaturanga ki runga Papapango i mua i te tīmatanga o tēnei aromatawai
	16 Mahuru	L16 Kauhau	
9	21 Mahuru	L17 Te Reo o Taranaki: Ruakere Hond (TBC)	
	23 Mahuru	L18 Asking why something will be done/why something didn't happen 'I' – Tuawhā	Mau mai ā koutou taurira rerenga kōrero
10	28 Mahuru	L19 Te Reo o Waikato: Hineitimoana Greensill (Te Whare Wānanga o Waikato) (TBC)	
	30 Mahuru	L20 Expressing abundance – <i>ie</i> , <i>mahi</i> , <i>nui</i> , <i>ārikarika</i> Uses of <i>atu</i> , <i>mai</i> , <i>māna</i> , and <i>nāna</i> 'I' – Tuarima	Mau mai ā koutou taurira rerenga kōrero
11	5 Whiringa ā nuku	L21 Dr Rawinia Higgins: Ngā mahi mō MAOR 311	Noho Marae: Waiata
	7 Whiringa ā nuku	L22 Using <i>ana</i> with <i>ki te</i> and <i>ka</i> , Using <i>ana</i> with <i>kia</i> 'I' – Tuaono	Mau mai ā koutou taurira rerenga kōrero
12	12 Whiringa ā nuku	L23 He hokinga whakamuri	
	14 Whiringa ā nuku	L24 Whakamātautau whāiti (2)	Tirohia ngā mahi mō te tuhingaroa

11 CLASS REPRESENTATIVE

The MAOR 221 class representative is a channel through which VUWSA can liaise with the Course Coordinator on behalf of students. The class representative will be elected at the first lecture. That person's name and contact details will be given to VUWSA, the Course Coordinator and the class, through Blackboard.

12 ACADEMIC INTEGRITY AND PLAGIARISM

Academic integrity means that university staff and students, in their teaching and learning are expected to treat others honestly, fairly and with respect at all times. It is not acceptable to mistreat academic, intellectual or creative work that has been done by other people by representing it as your own original work.

Academic integrity is important because it is the core value on which the University's learning, teaching and research activities are based. Victoria University's reputation for academic integrity adds value to your qualification.

The University defines plagiarism as presenting someone else's work as if it were your own, whether you mean to or not. 'Someone else's work' means anything that is not your own idea. Even if it is presented in your own style, you must acknowledge your sources fully and appropriately. This includes:

- material from books, journals or any other printed source
- the work of other students or staff
- information from the internet
- software programs and other electronic material
- designs and ideas
- the organisation or structuring of any such material.

Find out more about plagiarism, how to avoid it and penalties, on the University's website: <http://www.victoria.ac.nz/home/study/plagiarism.aspx>

13 GENERAL UNIVERSITY POLICIES AND STATUTES

Students should familiarise themselves with the University's policies and statutes, particularly the Assessment Statute, the Personal Courses of Study Statute, the Statute on Student Conduct and any statutes relating to the particular qualifications being studied; see the Victoria University Calendar or go to the Academic Policy and Student Policy sections on:

<http://www.victoria.ac.nz/home/about/policy>

The AVC(Academic) website also provides information for students in a number of areas including academic grievances, student and staff conduct, meeting the needs of students with impairments, and student support/VUWSA student advocates. This website can be accessed at:

http://www.victoria.ac.nz/home/about_victoria/avcacademic/Publications.aspx

14 WITHDRAWAL DATES

Have you changed your mind about the courses you want to do this trimester? If you do not withdraw from a course in time, you will receive a fail grade. A fail grade stays permanently on your academic record. You can avoid the fail grade by withdrawing properly from courses before it is too late!

It is not enough just to stop attending lectures and tutorials, or to tell your lecturer or school administrator. You must complete a course add/drop form, available from your Faculty, Student and Academic Services Office, and submit it by the due date.

Further information on withdrawals and refunds may be found at <http://www.victoria.ac.nz/home/admisenrol/payments/withdrawalsrefunds.aspx>